

太真玉帝四極明科經卷之一

四五

爾時太上大道君授

高聖太真玉帝五色神官四極明科百二十條律上檢天真中檢飛仙下治罪人如是玉文皆出高聖上宰所注藏於高上玉虛七映

紫房玉華典章金仙散香五帝神兵五億萬人飛精羽騎侍衛靈文數終無極之劫三五改運九五易作當校真人輔統聖治有金骨玉藏玄圖紫簡名標上清依科盟傳

太上告金闕帝君使命九靈玉妃鑄金為簡編以白銀使龜母按筆太真拂筵紫晨散香太華執巾清齋紫房以繕玉篇請以雲錦之囊封以丹青之章於是

太上大道君方上引高上玉虛二十四帝三十九真上登上上無映氣紫瓊宮金輝玉殿九曲之房符五帝神兵四極司官十億萬人毒龍巨獸備衛十天時有流霞羽蓋桑林千真九色之節翼輔靈關神鸞玄鳴紫鳳迴旋玉籟激音瓊林靈鳴金華散香玉妃揚煙飛霄四會八達洞清三光停暉夜燭朗明流

金吐成煥落火鈴五晨齊景七元伏精僊乘

萬騎蕭蕭紫庭高聖玉帝命上官玉女徐法容蕭慧忠由四非李雲門等彈雲鈞之敬合聲齊唱歌大洞高清真誠之章三塗五苦之詩玉慧蕭朗天韻啓微神瓊振響金音虛飛

法化億兆總撫萬機其辭曰大洞總三輪元化有无形寂若無根教肅若有威靈哀哉三塗中憂苦從是生至學勤茲戒積善窮劫齡劫盡化生天身與日月并懸癡隨世好浮學以求榮

宣化無網紀輕漏天寶經冒科入死門四極結爾名魂神履九難五苦長爾嬰食火踐刀山艱辛無暫寧歎此禍福源悠悠中甚明禍福令人歎仙道本由運

高上遺嚴戒禍福令人歎仙道本由運冥中亦已判無運亦不啓既悟常苦晏若能崇玄科自然超霄漢苟貪愛欲累何為強傲翫居罪結四明生死履八難流曳五苦庭三塗結不散沈靈九幽掠萬劫無待旦悲此元始教能不使人怨

家宴九玄上騎騎初化始無形亦無影

無深亦無測二儀啓運彰結氣以成滓三晨朗玄室五九有綱紀禍福由人生善惡竟孰在若能悟玄覺超然度高疑苟執伐命斧積累盈心裏沈罪結四明

宿罰良有已生身負刀山五苦無窮解七玄填幽夜萬劫方一紀留連三塗中未悟有生死於是

高聖太真玉帝高晨大師領仙玉郎執身仙羽節瓊文帝章宣告五靈玉司扶位萬帝臨軒明皇啓誓奉授明科於太上大道君道君受玄戒於昭啓付後聖九玄金闕帝君使上治上清中治十天下掌萬兆總領群仙普告萬真檢定青宮有玄圖紫簡名係玉皇授於

後學咸使知戒按科修行後聖帝君奉受太上大道君四極明科封於金闕紫臺玉映七寶之宮經千七百年傳於上相青童君青童君以傳太極真人南嶽赤君西城王君玄洲仙伯九靈王子等二十四真人王君封一通

於玉屋山西北玉室之中經萬劫當傳後學得道之人若有玄圖玉名金骨紫微當得此文得者神仙白日昇天侍文王童玉女各三十六人營衛有科者之身記功明善深慎奉行依盟寶秘不得輕傳泄靈靈篇九祖父母充無窮之役負山運石填積夜之河吞火啖炭萬劫不原身死幽泉謝罪三官高上清微天玄三官玉皇監司領仙君所鎮五帝神兵五萬人第一左官主執太真玉帝督慢之罪第二右官主糾漏泄天寶之罪第三陰官主元君虧犯科禁之罪禹餘天三官上真執司典非玉郎所鎮五帝神兵五萬人第一左官主陽過刑殺伐逆竊盜天寶靈靈靈文口舌咒誓之罪第二右官主陰過心懷謀圖不執謀害賢能所念不道之罪第三都官主疑貳天真不崇不信毀謗天寶心懷進退輕藉道經穢慢真文之罪大赤天三官總攝監靈使者所鎮五帝神兵五萬人第一左官主治生人之罪第二右官主治死人之罪第三陰官主治女人之罪又有水火左右二官左水官

治妄語誹謗咬咽口舌妬賢害能不信天真疑貳符章管殿寶文妄說天地宣泄秘籙辱毀二象觸犯三辰者右大官治大逆殺生伐害師君及謀父母手惡心賊願念不道之罪大丘山者又有風刀左右二官左風考官治受經符寶訣無盟修行愛射賊道虧損天科之罪第二右刀考官治伏誓告盟背違師友去彼適此評論善惡攻伐根本莫逆之罪玄中有三太空即三官所治上三官太玄之上玉虛太空之中中三官治上清太空下三官治太極太空皆處玄虛之內空洞之上別置九府在五藏玄虛洞室之中善惡罪罰莫不由於三官九府之司也刀山在岱宗之北空洞小天之上周迴七千里上置百二十曹府千二百掾吏執罰神兵五萬人主有罪犯於三官者死魂皆使登山往反萬劫為一掠窮魂楚痛得經三掠方詣流火之鄉流火之鄉在霍山之南巨陽洞庭之內周迴五千里罪魂悉付火鄉食火啖炭焦魂苦痛萬劫為一掠三掠得充三塗之役擔蒙山之土填積夜

之河經三掠乃得蓬生不人之道三塗悉係太玄女青上官鄴郡山在北方癸地山上有八獄第一監天獄第二平天獄第三虛無獄第四自然獄第五九平獄第六清詔獄第七玄天獄第八元正獄八獄主上天三官山中又有八獄第一玄沙北獄第二皇天獄第三禁罰獄第四玄妙獄第五刑正獄第六律令獄第七九天獄第八清冷獄八獄主中天三官山下又有八獄第一無量獄第二太真獄第三玄都獄第四三十六天獄第五天一北獄第六河伯獄第七累劫獄第八女青獄八獄主下三官凡二十四獄並置鄴郡山之北獄有十二掾吏金頭鐵面巨天力士各二千四百人手把金槌鐵杖凡犯玄科死魂各付所屬獄身為力士鐵杖所考萬劫為一掠三掠乃得遠補三塗之責太上告金闕帝君曰凡人生天地之內六合之中而不知生死宿命罪福之根良可痛哉善惡因緣莫不有報生世施功布德救度一切身後化生福堂超過八難受人之慶天報

自然生世好學志念神仙崇奉古科敬信靈
文念善改惡立行入真身後化生得接帝皇
名書紫簡上昇王晨生世樂道不憚苦寒隨
師執役惟勞為先飢渴務効不生怨言身後
化生得策飛翮遊宴五嶽乘虛落煙生世親
貞不淫不姦不貪不慾見色無懼心如死灰
執固道源身後化生得報靈人超度三塗五
苦不經生世施善願天普降同得昇度去離
八難衆身不過己身不安割己之服以拯窮
寒損糧餉為遺物空山四司稱善感徹玉皇
書名紫簡扎補上仙生世忠孝恭奉尊親崇
敬勝己宗禮師君腹目相和如同一身心無
妬能口無輕言內外齊并動止合真身後化
生得受靈人不經三塗超過八難善善相係
福福相因如此之報道宜負人生世不良懷
惡把姦攻伐師本反毀聖文不崇靈童疑貳
天真外心浮好假求華榮口是心非行負道
源竊盜經書不盟而宜泄露秘訣洩放非真
違科犯忌身入罪門七祖橫罹責及窮魂身
死負掠食火踐山三塗五苦萬劫不原楚桂

幽夜痛切其身夫欲修學熟尋此文禍福之
報豈可具言夫有金名於帝國玉宇於紫簡
得受四極明科百二十條檢者皆宿挺應仙
但當依科修奉崇善順法以期神明精感玄
虛玉帝賞別四界司迎出入遠近莫不稽首
奉侍於兆身也兆當絕行陰陽勿與俗人共
相交關履生死之穢觸忤真靈啖食五薰氣
充胃府損精喪神裸露三光輕慢玉晨自故
其咎禍滅兆身故以相告詳而奉行有得明
科之身不得妄與常學談說經文評論玄古
意通至真宜傳非所泄露道源妄示世人殃
及七祖死魂充責長補河源形沒九幽痛不
可言奉受上法崇修明科皆當以八節之日
及本命之日清齋燒香悔過帝君接罪九陰
解散七玄常至立春春分之日燃九燈於中
庭立夏夏至燃三燈立秋秋分燃七燈立冬
冬至燃五燈本命之日燃十二燈夜半露出
燈下立春春分則東向立夏夏至則南向立
秋秋分則西向立冬冬至則北向本命則太
歲之上叩齒二十四通微呪曰

高上太真萬聖帝皇五帝玉司總仙監真今
日吉民八節開陳陽罪陰考絕滅九陰永始
接釋七玄免脫火鄉永離刀山三塗五苦不
累我身得同天地長保帝晨五願八會塵不
如言畢解中叩頭百二十過當額向地而已
勿令痛也竟復中仰天心念我身今日上享
天恩賜及形骸受生飛仙畢仰咽二十四氣
止如此三年宿愆並除身與真同不復五苦
脫過火鄉尅得真人遊宴兆房可謂妙訣慎
勿輕傳四極有四方五帝玉司君典之普統
四極無高無下無深無淺周匝無窮之劫莫
不總檢善惡禍福皆係玉司之君也四方八
域無缺數官皆玉司遊司之號耶
太玄上官女青四極明科律文
青帝玉司君姓梁諱叔度衣飛青羽衣九色
鳳章頭戴九元寶冠手執九色之節治東太
明陽臺洞天皇玄都女青上官領東嶽泰山
官地靈水精青甲之兵東極無金之天無鞅
數劫無極無窮之官悉隸於青帝玉司之君
主人生死之命知其名存其神九年修行致

有青雲飛蓋來迎死身

太玄都四極明科曰高上玉清太真帝皇有犯明科之目退編皇之錄降遊散真皇治太清中官七百年隨格進號

太玄都四極明科曰上清真人不勤王事在局督慢虧廢真任漏泄寶訣降授非真皆退

上真之錄充五嶽都校之主千年隨劫進號太玄都四極明科曰受上元夫人之位元君之號不動帝局虧替王事降適禮朝宴失

即輕泄天寶降授不真皆削真皇之錄退紫虛之位置於中玄清微遊散靈官七百年隨勤進號

太玄都四極明科曰受太清仙人之號不動典局稽替王事虧廢真任或泄露天科傳降非所削真仙之錄退充五嶽都役主者二千

四百年隨勤進號

太玄都四極明科曰受五嶽飛仙之號不任王事虧替仙局輕慢道文退正仙之錄充補三官都校之主二千四百年隨勤進號太玄都四極明科曰諸受五帝四司三官都

校之位不任正局稽殆虧累替忽天與廢關王事糾罰不當怒靈稱枉濫天不理皆剋削正真之爵退補都統書吏三千六百年有勤進號

太玄都四極明科曰諸受上真玉札所掌門監玉郎羽仙侍郎上官與格都統王真領仙

侍郎主禁大夫典仙羽童都官司正各不任其局稽廢王事虧略天科皆削上真之札責補三官書吏統領鬼典七千年有勤者隨善進號

太玄都四極明科司黃書赤界真二之道此交接之小術亦道手之秘事其理妙檢皆二象離合三氣相和陽災解厄還精養神令人不死受此法者有虧損正氣心生愛慾混濁不節嫉妬疑貳攻伐師本更相譏訛其禁尤

重有犯此罪已身及七祖同充左右二官之罰履山食火負石填河三塗五苦經三掠得

過然後長充鬼役上官女青律文受者明慎奉行

太玄都四極明科曰上清天皇地皇人皇大

字皆大有清虛妙法洞元寶文自無金名方諸青官不得知聞有其文者主成地仙亦登玄虛位及仙御而輕慢天真泄靈寶文傳非其人冒殲覆穢不恭有違違犯其禁七祖受考責充右官經刀山食火負石填河各經一

掠得化生非人之體已身充左官之罰履山啖火三塗五苦之難悉過三掠得充補鬼役

北帝女青上官律文受者明慎奉行太玄都四極明科曰洞玄靈寶上經大劫小劫五符玉訣上清寶文玄洞之道自無玉骨

玄圖紫字錄名不得見聞有其文則玉童玉女侍衛當燒香禮拜如奉君父清齋誦經立登雲輿宴景五嶽位掌靈山而不崇奉穢慢真文輕露泄流故非真有犯其禁七祖充責考備右官罰以少山火鄉之難三塗五苦

各二掠得過生非人之道已身充左官之考罰以刀山食火負石填河三塗五苦之難三掠得過還長充幽夜無極鬼役北帝女青上官律文受者明慎奉行

太玄都四極明科曰高上大洞真經三十九

章素靈大有妙經雌一玉檢五老寶經金華洞房紫書上文龜山元錄青籙白簡金根上經太霄琅書瓊文帝章上官寶篇凡三十一卷此獨立之訣乃高玉玄映之道洞天玉清寶文授於已成真人有金骨玉藏名書帝簡

錄札紫庭得見此文得者王童玉女侍衛當燒香左右晨夕禮拜如奉君父長齋玄岫誦詠靈章立致雲輿飛昇玉清位登金闕與帝同軒受而不恭虧科急慢不信天真輕泄寶訣宜露聖文使世見聞為至童所奏七祖父母考屬右官罰以刀山火鄉三塗五苦之難。二掠得過還化生非人之道己身考屬左官罰以刀山食火負石填河二十四獄三塗五苦之難三掠得過乃得長充幽夜無極晷役如北帝女青上官律文受者明慎奉行

太玄都四極明科曰上清大有六天宮俯仰之格上道寶經三百卷玉訣九千言符華七千篇此玉清寶文藏於太上靈都之宮七映紫房之內傳於已成真人有玄名帶圖紫字玉清得見此文者王童玉女侍衛其身燒香

禮拜如奉君父不誑不穢不輕不慢五致靈與白日昇天而輕泄此文穢慢天寶經龍靈章宜露安示非人七祖考屬右官二十四獄罰以三塗之難二掠得過還生非人之道己身考屬左官罰以刀山食火之難掠三過乃還負石填河長充幽夜三塗五苦之役北帝女青上官律文受者明慎奉行

太玄都四極明科曰上清金液丹經九鼎神圖瓊玕華丹飛霜起雪四瓊絳生紫漿藏景靈丸太一九轉立成大丹上化胎精中記凡一百四十卷此乃中真騰化之道授於應為真人者有金名方諸官當得此經得者丹成變化七十四方乘虛駕雲飛昇上清五色紫黃金銀立成當秘而修行不得輕慢穢息天真宜露靈文以示俗人犯者考屬左官罰以風刀之罪見世之難死充負石之役一掠得過反生更胎四夷之中女青律文受者明慎奉行

太玄都四極明科曰五嶽真形神圖乃與天地俱生置三十二天洞庭之宮置於上真飛

仙仙人之所居其上神草玉芝令人不死有得此圖五帝遣王童玉女侍衛輕慢泄靈觸犯真靈為王童所奏考屬左官罰以火考焚燒經文死充火鄉之難一掠得過負石填河萬劫還生不人之道上官女青律文受者明慎奉行

太玄都四極明科曰上清方丈振靈之符八天隱文流金火鈴豁落七元五老寶符五行招魂帝君五籍金神虎文素奏丹符智慧真文翰大洞真符洞天洞地洞淵四十九真上皇玉錄寶章凡七十文藏於太上大有之宮紫房九曲之戶王童玉女三千人侍衛燒香授於金名東華籙字紫清得佩此文項生圓明映照十天飛行太空乘虛昇天當長齋幽林棄放亡身恭謹經文不得身染穢穢輕慢天真宜告泄露安示常人犯禁考屬三官罰以風刀見世五難死充刀山食火二十四獄三塗之中三掠得過長充晷晷生知之上官女青律文受者明慎奉行

太玄都四極明科曰讀大洞真經三十九章

颶風混合帝一百神寶名玉檢雌一五老寶
經洞玄素靈大有妙經太丹隱書上品高真
之文先向心拜四方叩齒三十六通咽液三
十六過存五藏之內有五色之光氣注五星
之精然後先讀神功七轉之道次讀百神肉
名乃得誦大洞真經誦經當令心目相應不
得雜念異想錯亂真神當使通句畢了不得
中住越略言句左官所執三犯不得入仙五
犯逮及七租已身並充三塗五苦二十四獄
之掠萬劫還充鬼役上官女青律文受者明
慎奉行

太玄都四極明科曰上清寶經三十一卷獨
立之訣存思修行皆北向心拜四方叩齒二
十四通咽液二十四過存五星日月三精玄
注於兆身然後誦經行事當令心口相應無
有異念披卷悉令言句周竟不得中止疑聽
越略三犯萬不得仙五犯七租父母己身並
為左右官所執充刀山食火二十四獄三塗
五苦之掠萬劫還生不人之道上官女青律
文受者明慎奉行

太玄都四極明科曰凡讀靈寶經或洞玄或
昇玄之經皆東向叩齒十二通咽液十二過
再拜存靈雲之氣覆冠身然後誦經當令
心目相應目無他視心無異念每使披卷言
句周竟不得中住越略天青三犯萬不得仙
五犯以上考屬左官死充地獄三塗五苦之
難萬劫得過長充鬼役上官女青律文受者
明慎奉行

太玄都四極明科曰讀天皇地皇人皇大字
修行其道皆南向再拜叩齒十二通咽氣十
二過存天皇君身長九寸披青帔著青錦襪
頭戴九光寶冠手執飛仙玉策在左人皇君
身長九寸披黃帔著黃錦襪頭戴七色寶冠
手執上皇保命玉策在右地皇君身長九寸
披白錦帔著素錦之裙頭戴三晨玉冠手執
元皇定錄之策在後三皇真君在左右然
後披卷行事修此道不得交接陰陽履庵入
穢輕慢天文觸犯真靈身被左官之考三犯
廢功三年年竟得還修行五犯死入地獄三
塗五苦之掠萬劫還生不人之道上官女青

律文受者明慎奉行

太玄都四極明科曰凡受上清寶經不得增
損天文破壞道經貼式字體虧忽聖文三犯
廢功斷事十年更清齋首謝然後得還修行
五犯為左官所糾七租父母己身並充刀山
火鄉二十四獄三塗五苦之掠萬劫得充負
石填河之役上官女青律文受者明慎奉行
太玄都四極明科曰凡受上清靈寶經當寫
一通以為凡下供養寶經列室安林林高五
尺五寸以法天地之數廣四尺長四尺九寸
以應四時之號朝夕燒香禮拜經前以祈神
明不得使雜俗之徒染穢履庵入室觸禁悉
如科旨有違右官所糾死入地獄三塗五苦
之中萬劫得充下鬼之役上官女青律文受
者明慎奉行

太玄都四極明科曰凡受上清靈寶經當
告齋別室燒香不交人事淨染紙筆東向起
經起經之時不得口誦章文皆當比字參校
不得輕泄漏慢違者左官所糾死入地獄三
塗五苦之中萬劫得充鬼役上官女青律文

受者明慎奉行

太真玉帝四極明科經卷之二

兩六

太玄下宮女青四極明科律文

白帝玉司君姓王諱玄度衣素華明光白錦之衣七色鳳章頭戴飛精曜天寶冠手執七色之節治西明之野洞天太玄都女青下宮領西嶽華陰仙官地靈水精白庚之兵西極無崖之天無鞅數劫無窮無極之官總統上真之格悉隸於白帝玉司之君主人生死之命知其名存其神修行九年致素雲飛與來迎兆身上昇玄官

太玄都四極明科曰左乙混洞東蒙之錄右收攝殺之律二訣上清之威章三天玉童所佩於上皇先生太素三元君舊科七千年有神仙圖錄骨氣合真聽得三傳盟信青繒九十尺金鈕三雙弟子師對齋九十日北向告盟而付玉童玉女各十二人侍衛典經若七百年之中有其人聽得一傳不過三愆盟違信三犯廢功斷事萬不得仙五犯七祖父母為右官所執己身為左官所考充刀山食火二十四獄三塗五苦之罰三掠乃過長充鬼

後玄都下宮女青律文受者明慎奉行

太玄都四極明科曰神虎玉經金虎鳳文上清內經黃庭玉景內經四卷出於太帝自然之章傳於玄古先生上皇真人太上道君玉精真人扶桑暘谷神王金闕帝君上相青童君舊科七千年三傳有紫名東華錄字上清依盟資金鈕九雙鳳文之羅九十九玄雲之錦四十尺金魚玉龍各一枚師弟子對齋九十日或三十日北向告盟而傳侍經玉童玉女各二十四人若干日有其人聽得一傳無其人萬劫勿宣愆盟違信三犯廢功斷事不得又仙五犯七祖父母為右官所考己身為左官所考罰以刀山大鄉二十四獄三掠乃過還長充鬼役負石填河玄都下宮女青律文受者明慎奉行

太玄都四極明科曰九道迴玄太丹錄書玉道錄字迴曜太真隱書二訣元始天王所修傳於三天真王太上大道君太帝天帝太微天帝君上元禁君三元夫人西玉母赤精真人所受舊科萬劫一傳若有玄圖紫簡名參

太真玉帝四極明科經卷之一